

BAP – Do kanns zaubere

E wieß Blatt Papier, ne Bleisteff, Jedanke bei dir, setz ich
ahm Finster un hühr, wat sich avvspillt vüür der Düür, bess ich
avvrötsch en die Zick, en der et dich für mich nit joov
un mir ming Leeve vürm Daach X op einmohl vüürkütt wie en
Stroof.

Do kanns zaubere, wie ding Mamm, die Kaate läät,
- irjendsujet muss et sinn -
jede Andre hätt jesaat: "Et ess zo spät,
dä Typ ess fäädisch. Nä, dä Typ dä krisste wirklich nit mieh hin!"

Mem Rögge zur Wand, spaßend un jede Naach voll woor ich,
ming bessje Verstand hassend, total vun der Roll woor ich.
't Schlemmste woor, als mir, wie do mich endlich registriert,
entsetzlich klarwoot, dat et jetz oder nie met uns zwei passiert.

Mensch, woor ich nervös, als ich dir alles jesaat - hektisch
un trozdam erlös, weil do mich nit treck ussjelaach un dich
für mich interessiert häss, für all dä Stuss, dä uss mir kohm,
für all dä Laber, dä'sch jebraat hann, weil die Changs zo plötzlich
kohm.

Do kanns zaubere, wie ding Mamm, die Kaate läät,
- irjendsujet muss et sinn -
jede Andre hätt jesaat: "Et ess zo spät,
dä Typ ess fäädisch. Nä, dä Typ dä krisste wirklich nit mieh hin!"

E wieß Blatt Papier, ne Bleisteff, Jedanke bei dir, setz ich
ahm Finster un hühr en mich, krich kaum jet notiert, weil ich
immer noch nit raffte, dat mir uns tatsächlich hann
un mir deshalb halt wießmache, dat do wirklich zaubre kanns.